

NACRT PROPOZICIJA

ZA TAKMIČENJA MLADIH KATEGORIJA KS BiH U SEZONI 2016/2017 GODINE

I OPŠTE ODREDBE

ČLAN 1.

Košarkaškog saveza BiH organizuju takmičenje za mlađe kategorije.

Prvenstvo za mlađe kategorije 2016/17 organizuje se kroz ligaška takmičenja za PIONIRI/KE, KADETI/KE i JUNIORI/KE se organizuju na nivou KS BiH.

Prvenstvo za mlađe kategorije 2016/17 organizuje se u tri starosne kategorije u muškoj i ženskoj konkurenciji:

- PIONIRI/KE
- KADETI/KINJE
- JUNIORI/KE

ČLAN 2.

Utakmice Prvenstva mladih kategorija BiH u sezoni 2016/2017 godine, igraju se prema odredbama Košarkaških pravila Međunarodne košarkaške federacije (FIBA, odredaba ovih Propozicija, kao i odredaba normativnih akata KS BiH i odluka regionalnih saveza, koja se odnose na takmičenja.

ČLAN 3.

Organizaciju takmičenja, poštivanje odredbi Košarkaških pravila i ovih Propozicija, te ostalih pravilnika, provodi Komesar takmičenja, imenovan od Upravnog odbora, a koji ujedno određuje njegova prava i obaveze.



ČLAN 4.

Za Prvenstvo BiH-sistem A u sezoni 2016/2017 godine za svaku kategoriju objavljuju se prilozi Propozicija koje sadrže :

- način realizacije takmičenja,
- popise učesnika,
- raspored odigravanja utakmica,
- kalendar održavanja,
- listu komesara,
- listu sudija,,
- sjedište Komesara koji vodi takmičenje,
- vrste i visina naknada službenim licima .

ČLAN 5.

Utakmice Prvenstva BiH mladih kategorija u sezoni 2016/2017 godine, igraju se prema utvrđenom rasporedu i kalendaru takmičenja.

Utakmice Prvenstva BiH mladih kategorija u sezoni 2016/2017 godine, igraju se u terminu utvrđenom kalendarom (petak - subota-nedelja) u vremenu koje odredi domaćin.

Mjesto, dan i sat odigravanja utakmica klub domaćin dužan je pismeno prijaviti Komesaru.

Utakmice se mogu igrati i izvan naznačenih termina. Odluku o promjeni utvrđenih termina donosi Komesar koji vodi takmičenje.

Raspored takmičenja nije moguće mijenjati.

Izuzetno u međusobnom dogovoru, ekipe mogu pomjeriti redosljed odigravanja utakmica uz saglasnot drugog kluba i o tome pismeno obavjestiti Komesara takmičenja najmanje 48 sati prije predviđenog početka utvrđenim Kalendarom takmičenja.

ČLAN 6.

Ukoliko se utakmica ili turnir ne mogu odigrati u predviđeno vrijeme zbog jednog od opravdanih razloga:

- isključenje električne energije,
 - isključenje ili zastoj u javnom prometu,
 - vremenske nepogode,
 - nedolazak sudija,
- ista se mora odigrati u roku od 24 sata.

Odluku o novom terminu utakmice donosi Komesar koji vodi takmičenje.

Klubovi u pravilu ne mogu tražiti odlaganje utakmice osim u vanrednim okolnostima:

- zvanično proglašena epidemija od nadležnih zdravstvenih ustanova BiH,
- loša bezbjednosna situacija u dijelu ili na cijelom prostoru BiH,
- izuzetno pogoršane atmosferske (vremenske) prilike (snijeg, poplave, požari, i sl.), koje uzrokuju prekide saobraćaja.

Konačnu odluku o odlaganju utakmice donosi Komesar koji vodi takmičenje.

Prekinuta utakmica zbog opravdanog razloga ili usljed više sile nastavlja se tako što se u momentu prekida utakmice uzimaju u obzir vrijeme i rezultat.

II TEHNIČKI NORMATIVI

ČLAN 7.

Utakmice Prvenstva BiH za mlađe kategorije sezone 2016/2017 godine igraju se u dvoranama koje zadovoljavaju standarde propisane košarkaškim Pravilima:

- Dvorane u kojima se igra moraju zadovoljiti tehničke i sigurnosne uvjete. Za sve što nije obuhvaćeno ovim Propozicijam primjenjivaće se prilozi propozicija usvojeni od



Upravnog odbora KS BIH prije nastupajuće sezone i odredbe dodatka Službenih košarkaških pravila FIBA „, košarkaška oprema“.

- Pod dvorane mora biti drveni ili od odgovarajućeg materijala i da zadovoljava slijedeće uvjete: elastičnost, ujednačenost, mora biti lakiran, ne smije biti klizav i mora imati akustičnu mekoću.
- Igralište mora biti dimenzija i označeno na način koje je odobrila FIBA.
- Granične crte igrališta moraju biti najmanje 2m udaljene od reklama ili bilo kakve prepreke.
- Sve ploče na konstrukciji moraju biti od vrste koje je odobrila FIBA.
- Ploče na konstrukciji moraju biti prozirne, u jednom komadu i od sigurnosnog stakla, dimenzija 180 cm vodoravno i 105 cm okomito.
- Donji rub ploče mora biti 290cm udaljeno od poda.
- Tehničke karakteristike i označavanje ploče mora biti po pravilima FIBA.
- Crte nacrtane na ploči moraju biti bijele boje.
- U dvorani moraju najmanje postojati dvije rezervne ploče, za slučaj loma, a na jednoj od njih mora biti pravilno montiran obruč.
- Klub mora imati potrebna tehnička sredstva i osposobljene osobe za zamjenu ploče u najkraćem mogućem vremenu.
- Klubovi moraju imati opremu za mjerenje visine obruča.
- Obručevi moraju biti crvene boje.
- Dvorana mora imati najmanje 2 obruča u slučaju loma.
- Mrežice moraju biti bijele boje i proizvedene na način da na trenutak zadrže loptu koja prolazi kroz koš.
- Mrežice moraju biti dugačke najmanje 40, a najviše 45cm.



- U dvorani moraju biti najmanje dvije rezervne mrežice.
- Na istoj strani gdje se nalazi zapisnički sto mora se nalaziti i označen prostor za klupe. Klupe za rezervne igrače gostujuće ekipe kao i zapisnički sto moraju biti zaštićeni od svakog kontakta od gledališta. Sa svake strane zapisničkog stola moraju se nalaziti dvije stolice za izmjenu igrača.
- Dvorana mora imati najmanje jedan veliki semafor sa lako uočljivim satom s padajućim brojevima i vrlo glasnim zvučnim signalom za kraj četvrtina ili produžetka.
- Dvorana mora imati dva automatska uređaja za primjenu pravila napada od 24 sec.
- Uređaj za mjerenje 24 sec. mora biti neovisan od glavnog sata za igru, a kada se uređaj oglasi glavni sat za igru se ne zaustavlja.
- Igralište mora biti osvijetljeno s najmanje 1.000 luksa jednakomjerno po cijeloj površini igrališta, mjereno jedan metar iznad poda.
- Temperatura igrališta ne smije biti ispod 16 stepeni C i mora biti jednolična što je više moguće. Ako komesar utakmice ili jedan od klubova posumnja u podatke o temperature u dvorani, komesar je dužan da izmjeri temperature u prisustvu predstavnika oba kluba i prvog sudije. Za tu svrhu klub domaćin mora da ima pripremljen termometar. Ukoliko se utvrdi da je temperature u dvorani niža od 16 stepeni C, utakmica se može odigrati samo uz saglasnost gostujuće ekipe. Ukoliko ne postoji saglasnost gostujuće ekipe organizatoru se ostavlja 24 sata da obezbijedi potrebnu temperature u dvorani. Ukoliko organizator (klub domaćin) ne može da obezbijedi potrebnu temperature ili drugu dvoranu registrovanu za utakmicu Prvenstva BiH, utakmica će se odigrati u roku od 24 sata. Odluku o odigravanju utakmice donosi Komesar, a dodatne troškove službenih lica i gostujuće ekipe (prevoz, smještaj, ishrana) snosi organizator utakmice (klub domaćin)



- Dvorana mora imati najmanje po jednu svlačionicu za svaku ekipu i za sudije, koje moraju biti zaključane i čuvane jer domaćin utakmice je odgovoran za predmete ostavljene u svlačionicama. Svlačionice za ekipe moraju imati klupe za najmanje 15 osoba. U svlačionicama za gostujuće ekipe i sudije domaćin mora obezbjediti vodu ili osvježavajuća pića.
- Utakmice Prvenstva BiH mlađih kategorija u sezoni 2016/2017 godine igraju se MOLTEN loptama koje imaju zlatni žig FIBA-e i KS BIH .
- Domaćin susreta dužan je 30 min prije početka utakmice staviti na raspolaganje gostujućoj ekipi 4 ispravne lopte, a prvom sudiji utakmice loptu s kojom će se igrati.
- Za registraciju i pregled dvorane koju domaćin navede u svojoj prijavi za organizatora zadužen je Komesar koji vodi takmičenjem ili po njemu određena osoba. Dvorana neće biti registrovana i prihvaćena za odigravanje ako nisu poštovani uslovi iz ovog člana.

ČLAN 8.

Boja dresova u kojima nastupaju ekipe regulisana je Pravilima igre na osnovu rasporeda odigravanja utakmica.

Dresovi su obilježeni preme odredbama košarkaških Pravila.

ČLAN 9.

Ukoliko se na igralištu nalazi razglasni uređaj osoba koja govori na mikrofону nalazi se za posebnim stolom pokraj zapisničkog stola.

Razglasni uređaj služi samo za davanje obavještenja o utakmici.

Nije dopušteno korištenje mikrofona za poticanje navijača, komentarisanje, suđenja i slično.

III EKIPE, TRENERI I SLUŽBENE OSOBE

ČLAN 10.

Na utakmicama Prvenstva BiH mlađih kategorija sezone 2016/2017 godine, mogu nastupiti igrači i igraciće registrovani u teritorijalnim savezima, u skladu sa Registracionim pravilnikom KS BiH.

Svaka ekipa sastoji se od najviše 12 igrača, odnosno igračica.

Trener ili Službeni predstavnik ekipe dužan je 30 minuta prije početka utakmice turnira predati komesaru turnira Listu igrača i službenih osoba), Registracione knjižice igrača sa fotografijom i odgovarajući dokument /pasoš, osobna karta, ili CIPS potvrda/, licence trenera i službenog predstavnika kluba, izdate od strane odgovarajućeg teritorijalnog saveza.

Ukoliko na utakmici nastupi igrač koji nije uredno registrovan, klub gubi utakmicu službenim rezultatom i biti će kažnjen u skladu sa Propozicijama.

Na utakmicama Prvenstva BIH mlađih kategorija ekipe su dužne da nastupaju u najboljim sastavima.

ČLAN 11.

Ljekarski pregled igrača obavezan je prije početka takmičenja, što je uslov za izdavanje registracione knjižice od strane teritorijalnog saveza.

ČLAN 12.

Na klupi za rezervne igrače mogu sjediti osobe koje su navedene u "Listi igrača i službenih osoba" 7 osoba (rezervni igrači, trener, pomoćni trener, ljekar, fizioterapeut, službeni predstavnik kluba itd).

ČLAN 13.

Službeni predstavnik domaćina, u ime organizatora, odgovoran je komesaru utakmice za organizaciju utakmice.



Službeni predstavnik isključivo ostvaruje komunikaciju sa službenim licima delegiranim od strane Komesara koji vodi takmičenje (komesar, sudije i pomoćne sudije) u predviđenom vremenu i na način propisan Službenim pravilima igre.

Službeni predstavnik ispred kluba je jedini ovlašten da službeno kontaktira Komesara koji vodi takmičenje.

ČLAN 14.

Igračima, trenerima, pomoćnim trenerima i predstavnicima klubova zabranjuje se davanje izjava, koje izlaze iz okvira sportskog ponašanja, o radu službenih lica, također nije dozvoljeno davanje na uvid neslužbenim osobama dokumenta vezana za utakmicu.

ČLAN 15.

Osim službenih predstavnika kluba, svaki klub sudionik Prvenstva BiH za mlađe kategorije sezone 2016/2017 godine određuje jednu odgovornu osobu kluba za ovlašteno službeno kontaktiranje sa Komesarom koji vodi takmičenje.

IV KOMESAR, SUDIJE I POMOĆNE SUDIJE

KOMESAR

ČLAN 16.

Funkciju komesara na utakmicama turnira Prvenstva BiH za mlađe kategorije sezone 2016/2017 godine obavljaju osobe koje se nalaze na "Listi komesara" utvrđenoj nakon završenog testiranja prije početka takmičenja ili Prvi sudija.

ČLAN 17.

Komesar ili Prvi sudija vrši kontrolu registracionih knjižica igrača i ostalih dokumenata za identifikaciju iz člana 10 ovih Propozicija..

ČLAN 18.

Disciplinsku odgovornost sudaca konstatuje i rješava Komesar koji vodi takmičenje.



ČLAN 19.

Komesarima turnira se zabranjuje komentarisanje za javnost svih momenata u vezi sa odigranom utakmicom.

SUDIJE

ČLAN 20.

Utakmice Prvenstva BiH mladih kategorijasezone 2016/2017 godine sude sudije sa "Liste sudija" koja je utvrđena nakon završenog testiranja, prije početka takmičenja, KSBIH i teritorijalnih saveza.

Klubovi ne mogu tražiti izuzeće sudija.

Nominaciju sudija za utakmice turnira Prvenstva BiH mladih kategorija sezone 2016/2017 godine obavlja Komesar takmičenja.

Sudije su dužne o eventualnoj spriječenosti obavijestiti Komesara koji vodi takmičenje prije nego se izvrši nominacija.

Sudije su dužne potvrdu nominacije izvršiti odmah, a najkasnije 48 sati po prijemu iste, u protivnom će se smatrati da je ista neopravdano otkazana.

Sudije u toku jednog dana mogu da sude najviše dvije utakmice. Samo u izuzetnim slučajevima, a po odobrenju Komesara takmičenja ili po odluci komesara turnira na kojoj se zateknu, sudije mogu suditi i tri utakmice u jednom danu.

ČLAN 21

Ukoliko jedan od sudija ne dođe na utakmicu, komesar određuje zamjenu među prisutnim sudijama sa Liste sudija.

Ukoliko ne postoji uvjet za ispunjavanje prethodnog stava, komesar će odložiti utakmicu o čemu je dužan odmah obavijestiti Komesara takmičenja

Odluku o novom terminu odigravanja utakmice donijet će Komesarom takmičenja.

ČLAN 22.

Sudije su potpuno samostalne u donošenju odluka.

Prvi sudija smatra se odgovornim u djelokrugu ovlaštenja propisanih košarkaškim Pravilima.

ČLAN 23.

Prvi sudija odlučuje o prekidu utakmice i djelomičnom ili potpunom pražnjenju dvorane u slučaju da gledaoci nesportskim navijanjem, uvredljivim i vulgarnim dobacivanjem vrijeđaju jednu od ekipa, sudije ili službene osobe.

Odluku o nastavku utakmice u djelomično ili potpuno ispražnjenoj dvorani ili definitivnom prekidu utakmice, također donosi prvi sudija utakmice.

ČLAN 24.

Sudijama se zabranjuje komentarisanje, za javnost, svih momenata u vezi sa odigranom utakmicom.

Sudije su dužne nakon utakmice obaviti sve obaveze vezane za utakmicu.

Nakon utakmice sudije i pomoćne sudije mogu napustiti dvoranu tek po odobrenju komesara.

ČLAN 25.

Disciplinsku odgovornost sudija koji ne poštuju odredbe košarkaških Pravila i svoju dužnost neobavljaju u skladu s ovim Propozicijama, konstatuje i rješava Komesar takmičenja.

U slučajevima vezanim za povrede ovih Propozicija, kaznu izriče Komesar takmičenja, a u slučaju povrede košarkaških Pravila kaznu izriče Komesar takmičenja, na osnovu stručnog mišljenja nadležnog organa Sudijske Komisije KS BiH / najvaljena Žalba na utakmicu od strane kluba u vezi suđenja, te na osnovu traženja Komesara takmičenja u vezi davanja stručnog mišljenja o suđenju/.



POMOĆNE SUDIJE

ČLAN 26.

Pomoćne sudije delegira za, utakmice Prvenstva BiH mladih kategorija u sezoni 2016/2017 godine, nadležna sudijska organizacija.

Pomoćne sudije na utakmicama moraju biti obučeni u istim majcama/boje/.

ČLAN 27.

Pomoćne sudije koji ne poštuju odredbe košarkaških Pravila i svoju dužnost neobavljaju u skladu s ovim Propozicijama, a time utiču na regularnost utakmice, mogu smijeniti same Sudije.

Zamjena pomoćnih sudija može se izvršiti i na prijedlog komesara.

U tom slučaju napraviti će se stanka radi smjenjivanja pomoćnog sudije.

Komesar određuje zamjenu među prisutnim pomoćnim sudijama.

ČLAN 28.

Ukoliko se, u mjestu odigravanja utakmice, ustanovi da nema dovoljan broj osposobljenih pomoćnih sudija ili se utvrdi da nerade u skladu sa Pravilima igre i ovih Propozicija, delegiranje pomoćnih sudija obavlja Komesar takmičenja iz drugog grada.

ČLAN 29.

Disciplinsku odgovornost pomoćnih sudija koji ne poštuju odredbe košarkaških Pravila i svoju dužnost neobavljaju u skladu s ovim Propozicijama, konstatuje i rješava Komesar takmičenja.



V IZVJEŠTAJ KOMESARA UTAKMICE

ČLAN 30.

- Obaveza komesara turnira je da dođe dva sata prije odigravanja prve utakmice u dvoranu i izvrši kontrolu svih tehničkih uređaja, te da utvrdi postojanost uslova za odigravanje utakmica.
- Komesar u svom Izvještaju unosi sva zapažanja koja su vezana za utakmice, te daje ocjenu o organizaciji svih utakmica u cjelini, a izvještaj komesara obavezan je u roku od 24 sata dostaviti Komesaru takmičenja elektronskom poštom.

ČLAN 31.

Originalni Izvještaj komesara sa svim rezultatima i tabelom, zapisnike sa utakmica, popis igrača svih ekipa kao i izjave prekršitelja ukoliko se dogode na utakmici, komesar utakmice dostavlja poštom u roku od 24 sata Komesaru takmičenja.

Ekipe ukoliko imaju primjedbu dužni su istu predati komesaru turnira, najkasnije 1 sat po odigranoj utakmici.

ČLAN 32.

Dopunski izvještaj dostavlja se na zahtjev Komesara takmičenja.

ČLAN 33.

Komesar u svom izvještaju, unosi sva zapažanja koja su vezana za utakmicu i daje ocjenu o organizaciji svake utakmice.

Komesar je obavezan napisati svoje mišljenje o svim spornim činjenicama..

ČLAN 34.

Sudija koji je donio odluku o isključenju igrača, trenera ili službenih osoba, dužan je obavijestiti komesara o razlogu isključenja i da li podnosi prijavu.



Ukoliko komesar, sudije podnose prijavu , dužni su opisati sve sporne trenutke u vezi disciplinskog prekršaja.

ČLAN 35.

Na posebnom obrascu podnosi se prijava protiv izvršioca disciplinskog prekršaja. Komesar u posebnom izvještaju obvezno saslušaava izvršioca prekršaja.

Zapisnik sa saslušanja obvezno potpisuje izvršilac prekršaja.

ČLAN 36.

Službena lica ne smiju o navodima sa utakmice obavještavati javnost.

VI DUŽNOSTI DOMAČINA UTAKMICE

NAJAVA UTAKMICE

ČLAN 37.

Domaćin utakmice pismeno obavještava nadležnu sudijsku organizaciju (koja određuje pomoćne sudije), o vremenu i mjestu odigravanja utakmice.

Mjesto, dan i sat odigravanja utakmice klub domaćin dužan je pismeno prijaviti, najkasnije 7 dana prije odigravanja utakmice.

Domaćin je dužan prijaviti mjesto, dan i vrijeme odigravanja nadležnoj stanici javne bezbjednosti 48 sati prije njezina održavanja, odnosno u vremenu u kojem to zahtijeva nadležna stanica JB/PU.

REDARSKA SLUŽBA, BEZBIJEDNOST UČESNIKA, GLEDAOCI

ČLAN 38.

Domaćin je dužan na svakoj utakmici organizovati odgovarajuću redarsku službu i službu obezbjeđenja.

Domaćin je dužan osigurati osobe i pribor za sušenje mokrog dijela igrališta.



Osoba odgovorna za sprovođenje ovih odredbi je službeni predstavnik kluba.

ČLAN 39.

Dužnost domaćina je da poduzme sve potrebne mjere koje osiguravaju normalni tok odvijanja utakmice.

Domaćin snosi punu odgovornost za sve prekršaje i incidente koji se dogode na samoj utakmici ili neposredno u vezi s njom.

Za incidente koje učine gostujući navijači, odgovoran je gostujući klub.

Nije dozvoljeno nesportsko navijanje koje podstiče na nasilje, vrijeđanje na nacionalnoj, vjerskoj i rasnoj osnovi kao i navijanje koje onemogućava normalni tok utakmice (buka orkestra, zvučna pojačala, eksplozivna sredstva i sl.).

Domaćin ne smije dozvoliti posjetiocima da na bilo koji način povrijede prostor za igru unutar ograde (nije dozvoljeno mahanje zastavama preko ograde ili iza tabli, pomicanje konstrukcije i sl.).

U slučaju nereda na terenu ili u dvorani, domaćin mora poduzeti sve mjere i potpuno zaštititi sve članove ekipa, sudije i komesara.

Dužnost domaćina je da osigura njihov nesmetan odlazak u svlačionicu, a članovima gostujuće ekipe, sudijama i komesaru odlazak iz grada.

Svaki pokušaj napada na obje ekipe i službena lica bit će kažnjen.

ČLAN 40.

Za svaki prekršaj koji učini klub domaćin, Komesar takmičenja izreći će kaznu u skladu s kriterijima za izricanje kazni prema ovim Propozicijama i Disciplinskom pravilniku KS BiH.

ZDRAVSTENA ZAŠTITA, SREDSTVA JAVNOG INFORMISANJA

ČLAN 41.

Domaćin osigurava zdravstvenu službu - dežurnog ljekara, koji raspoláže materijalom za ukazivanje prve pomoći., u za to predviđenoj prostoriji.



Domaćin utakmice dužan je osigurati odgovarajući prostor za sredstva javnog informisanja.

DRŽAVNA OBILJEŽJA

ČLAN 42.

Domaćin je dužan, na svakoj utakmici, na vidnom mjestu postaviti državnu zastavu BiH .

Izgled, oblik i veličina zastave mora biti u skladu sa Zakonom utvrđenim normama.

Na terenu mora biti baner ili zastava USAID.

POMOĆNI UREĐAJI

ČLAN 43.

Domaćin je dužan u dvorani osigurati za elektronsku i drugu opremu - pomoćne uređaje i to:

- Pomoćni elektronski semafor za mjerenje vremena i rezultata
- štoperica za mjerenje 24 sec. i minute odmora ,
- uređaj za objavljivanje posljednjih 10 sec napada (gong),
- svjetlomjer za mjerenje dvorane
- termometar za mjerenje temperature u dvorani
- opremu za mjerenje visine obruča
- pokazivač alternativnog posjeda lopte.

VII TOK UTAKMICE

ČLAN 44.

Početak utakmice, regulisan je košarkaškim Pravilima.

Dvadeset minuta prije početka utakmice prvi sudija provjerava da li je domaćin udovoljio odredbama košarkaških Pravila i ovih Propozicija, da li se na igralištu nalaze pomoćne sudije, te da li su svi uređaji u ispravnom stanju.

Ukoliko sudije ustanove neispravnost na uređajima, ostavit će domaćinu najviše 30 minuta da dovede uređaje u ispravno stanje. Ukoliko se kvar ne ukloni u ostavljenom roku od 30 minuta, ili ukoliko nastane kvar na tehničkim uređajima prije početka susreta, a u vremenu od uključivanja uređaja od strane prvog sudije, pa do početka same igre, utakmica se odlaže za 24 sata.

Odluku o odgađanju utakmice za 24 sata donosi komesar utakmice.

Ukoliko se neki od uređaja pokvari za vrijeme utakmice, utakmica će se nastaviti uz pomoćne uređaje, koji su propisani Pravilima igre.

ČLAN 45.

Dvadeset (20) minuta prije početka utakmice mjerilac vremena, po odobrenju prvog sudije, uključuje sat za mjerenje vremena. Pomoćne sudije zauzimaju svoja mjesta.

Šest (6) minuta prije početka utakmice prvi sudija sirenom (zviždaljkom) poziva igrače koji se zagrijavaju da izađu van igrališta.

Spiker predstavlja gledalištu kapitena, zatim ostale igrače prema brojevima na dresovima. Predstavljaju se prvo igrači i trener gostujuće, a zatim domaće ekipe. Igrači se postavljaju iza linije slobodnog bacanja. Prilikom predstavljanja svi igrači moraju biti obučeni jednoobrazno.

Nakon predstavljanja ekipa spiker predstavlja službena lica i ostavlja se ekipama još 3 minuta za zagrijavanje.

Nakon predstavljanja, igrači se međusobno pozdravljaju i odlaze prema svojim klupama.

Minutu prije početka utakmice mjerilac vremena vraća sat za mjerenje vremena u početni položaj, a prvi sudija daje znak da je završeno zagrijavanje. Igrači prvih petorki izlaze na teren radi početka utakmice.

Nakon završetka utakmice svi igrači izlaze na igralište, međusobno se rukuju i odlaze prema svojim klupama.



ČLAN 46.

NA UTAKMICAMA PIONIRI - KI ZABRANJENO JE IGRATI BILO KOJI OBLIK ZONE. SANKCIJE ZA IGRANJE ZONE JE JEDNO BACANJE I LOPTA SA STRANE.

VIII NAČIN BODOVANJA I POSTUPAK PO ŽALBI

ČLAN 47.

Način bodovanja i određivanje poretka ekipa obavlja se na temelju košarkaških Pravila.

Ukoliko ekipa iz bilo kojih razloga napusti takmičenje , sve mlađe selekcije tog kluba neće moći učestvovati u Prvenstvu BiH 2016/2017 i biće novčano kažnjeni u skladu sa ovim Propozicijama .

ČLAN 48.

Najavljena žalba se u pismenom obliku, predaje komesaru utakmice, najkasnije 20 min. po završetku utakmice.

Podnosilac žalbe obavezan je da u žalbu unese tačne i precizne navode zbog kojih se žali. Po prijemu žalbe sudije utakmice i komesar daju svoje mišljenje i pismene izjave o navodima iznesenim u žalbi. Komesar utakmice, a kompletnu dokumentaciju je dužan putem mail-a odmah dostaviti Komesaru takmičenja.

ČLAN 49.

Žalba koja nije najavljena potpisom kapitena, koja nije na vrijeme uručena komesaru utakmice neće se razmatrati.

ČLAN 50.

Kada žalbu odbije, utakmica se registruje postignutim rezultatom.

Kada žalbu usvoji, utakmica će se poništiti i odrediti odigravanje nove.



Ukoliko je načinjena povreda Pravila igre, koja je bitno utjecala na rezultat ili je utakmica bila neregularna zbog uslova za odigravanje utakmice koji su predviđeni Pravilima igre i Propozicijama takmičenja, a što je uslovalo da postignuti rezultat nije posljedica sportskog nadmetanja.

Ako je žalba usvojena zbog neregularnosti u procesu registracije igrača ili bilo kojeg slučaja zbog čega igrač nije imao pravo da nastupi na utakmici, Komesar takmičenja će utakmicu registrovati 20:0 protiv ekipe koja je učinila povredu Registracionog pravilnika ili povredu "prava nastupa na utakmici". Kažnjena ekipa neće dobiti jedan bod u plasmanu. Podnosiocu žalbe uplaćena taksa se vraća. Obaveza je Komesara takmičenja da u ovom slučaju podnese disciplinsku prijavu protiv odgovornih lica.

Ako je žalba zbog neregularnosti u procesu registracije igrača (greška kancelarije **Saveza**), Komesar takmičenja će žalbu usvojiti i naložiti odigravanje nove utakmice, a podnosiocu žalbe uplaćena taksa se vraća.

ČLAN 51.

Jednom registrovana utakmica ili donijeta odluka u vezi s takmičenjem ne može biti poništena od Komesara takmičenja.

ČLAN 52.

Odluku o žalbi mora se donijeti najkasnije u roku od 3 sata po odigranoj utakmici.

Komesar svoju odluku saopštava pismeno.

ČLAN 53.

Na odluku Komesara takmičenja dozvoljena je žalba u drugom stupnju koja se podnosi takmičarskoj komisiji, i to u roku od 12 sati od prijema odluke.

Za žalbu mora biti uplaćen iznos od 500 bodova, u protivnom žalba se neće uzimati u razmatranje.

Odluka u drugom stupnju donosi se u roku od 24 sata i konačna je.

Komesar takmičenja svoju Odluku saopštava pismeno..

ČLAN 54.

Ukoliko se žalba usvoji, podnosiocu žalbe se vraća uplaćeni iznos namijenjen za troškove žalbe.

ČLAN 55.

Ukoliko žalba bude usvojena i rezultat utakmice poništen, prilikom odigravanja ponovljene utakmice troškove snosi ekipa koja je izgubila žalbeni spor.

IX KAZNENE ODREDBE

ČLAN 56.

Prekršaj ovih Propozicija kaznit će se na osnovu Člana 57.

Za teže prekršaje i prekršaje koji nisu predviđeni u Članu 57. ovih Propozicija primjenit će se odredbe Disciplinskog pravilnika KS BiH.

ČLAN 57.

Utvrđeni su kriteriji novčanih i vremenskih kazni za sljedeće vrste prekršaja klubova, igrača, sudija, komesara, trenera i drugih službenih osoba i to:

A. ORGANIZACIJA UTAKMICE - TURNIRA

	BODOVA
1. Neispravni tehnički uređaji	od 50 – 100
2. Neosiguravanje rezervne aparature	od 50 – 100
3. Slaba organizacija zapisničkog stola	od 50 – 100
4. Neosiguravanje svlačionica za sudije i ekipe	od 50 - 100
5. Izostanak redarske službe i službe obezbjeđenja, nedovoljan broj redara	od 100 – 200
6. Nedovoljan broj policajaca	od 100 – 200
7. Nepravilno obilježeni dresovi, slaba vidljivost brojeva	od 100 – 200
8. Neosiguravanje adekvatnog prostora za rezervne igrače, pomoćne sudije i stolice za izmjenu	od 100 – 200
9. Neplaćanje troškova i taksi službenim licima prije utakmice	od 100 – 200

PROPOZICIJE TAKMIČENJA



- | | |
|---|--------------|
| 10. Neosiguravanje lica i pribora za sušenje mokrog dijela terena | od 50 – 100 |
| 11. Nedovoljan broj lopti za zagrijavanje (4) | od 50 – 100 |
| 12. Neprisustvo utakmici ljekara | od 100 – 300 |
| 13. Nastupanje ne registrovanog igrača za klub | 500 |
| 14. Nastupanje suspendovanog igrača za klub | 500 |
| 15. Slaba organizacija utakmice | od 100 – 300 |
| 16. Nedovoljno zaigrijana i osvijetljena dvorana | od 100 – 200 |
| 17. Neisticanje državne zastave BIH | 500 |

B. NESPORTSKO PONAŠANJE GLEDALACA

- | | |
|---|----------------|
| 1. Ometanje rada službenih lica od strane neslužbenih osoba | od 100 – 300 |
| 2. Nesportsko navijanje i ponašanje gledalaca | od 100 – 300 |
| 3. Bacanje na teren mekih predmeta | od 100 – 300 |
| 4. Bacanje na teren tvrdih predmeta | od 200 – 500 |
| 5. Bacanje na teren eksplozivnih naprava (petarde i baklje sa dimom) | od 300 – 500 |
| 6. Narušavanje prostora za igru i ometanje normalnog toka igre | od 200 – 500 |
| 7. Ulazak gledalaca u teren prije, za vrijeme i poslije utakmice | od 200 – 500 |
| 8. Vrijeđanje službenih osoba i gostujuće ekipe | od 100 – 300 |
| 9. Pokušaj fizičkog napada na službene osobe i gostujuću ekipu | od 200 – 500 |
| 10. Ostvaren fizički napad | od 500 – 1000 |
| 11. Ostvaren fizički napad sa prekidom utakmice | od 1000 – 3000 |
| 12. Incidenti koji se dogode prije i poslije utakmice a evidentirani su | od 500 – 1000 |
| 13. Vrijeđanje sudionika utakmice na vjerskoj i rasnoj osnovi | od 500 - 1000 |



**C. NESPORTSKO PONAŠANJE IGRAČA,
TRENERA I SL.OSOBA**

1. Svaka dosuđena Tehnička greška igraču	50
2. Svaka dosuđena Tehnička greška treneru	100
3. Dosuđena isključujuća greška igraču	100
4. Dosuđena isključujuća greška treneru	200
5. Dosuđena isključujuća greška službenih osoba	200
6. Podnijeta prijava protiv igrača i trenera	od 100 - 300
7. Podnijeta prijava protiv službenih lica	od 100 – 300
8. Evidentirane međusobne prijetnje učesnika utakmice	200
9. Pokušaj fizičkog napada između učesnika utakmice	po 300
10. Ostvaren fizički napad između učesnika utakmice	po 500
11. Nesportsko kritikovanje odluke sudija	od 100 - 300
12. Nesportsko ponašanje službenih lica i trenera	od 100 – 300

**D. NESAVJESNO OBAVLJANJE DUŽNOSTI SUDIJA I
KOMESARA**

1. Nepravovremeni dolazak na utakmicu	100
2. Nesportsko i neadekvatno oblačenje	200
3. Nepridržavanje Pravila igre prije utakmice	200
4. Neuredno izvršavanje odluke Komesara takmičenja	500
5. Neuredno pisanje izvještaja	od 100 – 200
6. Neispunavanje obaveza predviđenih Propozicijama	od 100 – 200
7. Nedostavljanje dokumenata u predviđenom roku	500
8. Odlazak sa utakmice bez saglasnosti komesara	od 100 – 200
9. Neobjektivno prikazivanje činjenica u Izvještaju	od 2- 5 utakmica zabrane
10. Neopravdan nedolazak na utakmicu	brisanje sa liste
11. Prijetnja igračima, trenerima i službenim osobama	brisanje sa liste
12. Pokušaj fizičkog napada na igrače, trenere i sl. osobe	brisanje sa liste
13. Fizički napad na igrače , trenere i sl. osobe	brisanje sa liste i Disciplinska odgovornost

PROPOZICIJE TAKMIČENJA



14. Javno kritikovanje donošenja odluka
(član 24 Propozicija) od 1000 - 2000
15. Javno kritikovanje rada Komesara takmičenja,
brisanje sa liste i
zabrana obavljanja
dužnosti od jednog
mjeseca do jedne
godine
16. Davanje izjava koje izlaze iz okvira sportskog
Ponašanja
brisanje sa liste i
zabrana obavljanja
dužnosti od jednog
mjeseca do jedne
godine

- U ponovljenim slučajevima u toku takmičenja novčane kazne se udvostručuju.

E.

Kazne zabrane igranja, obavljanja dužnosti koje su izražene brojem utakmica, odnose se na takmičenje u kojem su izrečene. Ukoliko do kraja takmičenja nije izdržana cijela kazna, ista se prenosi na sljedeću sezonu. Isto se odnosi i na ostale službene osobe.

Osoba koja je kažnjena vremenskom kaznom (kazna izražena brojem mjeseci), za vrijeme izdržavanja kazne ne može obavljati niti jednu dužnost u košarkaškom sportu.

F.

Kazne izražene u bodovima odnose se na klubove i ekipe učesnice u takmičenjima muške konkurencije

Za kazne klubovima i ekipama, ženske konkurencije, primjenjuju se iznosi od 50% predviđenog broja bodova.

Utvrđena protuvrijednost boda je KM.

G.

Za sve nepredviđene slučajeve koji nisu obuhvaćeni članom 57. ovlašćuje se Organ koji vodi takmičenje na izricanje kazni u visini: 500-5000 bodova

H.

Ekipa koja iz neopravdanih razloga ne nastupi na utakmici, gubi utakmicu sa 20 : 0 i ne dobiva bod za tu utakmicu. Ako ekipa izgubi dvije utakmice na ovakav način, isključuje se iz takmičenja koje je u toku i u narednoj takmičarskoj sezoni klub neće moći nastupiti u Prvenstvu BiH u bilo kojoj kategoriji mlađjih selekcija. Istovremeno će se kazniti klub sa 1.000 bodova.

Ukoliko dođe do prekida utakmice, ekipa koja je izazvala prekid utakmice gubi utakmicu sa 20 :0 i ne dobiva bod za tu utakmicu. Ako ekipa izgubi dvije utakmice na ovakav način, isključuje se iz takmičenja koje je u toku i u narednoj takmičarskoj sezoni klub neće moći nastupiti u Prvenstvu BiH u bilo kojoj kategoriji mlađjih selekcija. Istovremeno će se kazniti klub sa 1.000 bodova.

Ako ekipa samovoljno napusti igralište prije kraja utakmice ili se ne pojavi na turniru za koji su prijavili svoje učešće, isključit će se iz takmičenja koje je u toku i u narednoj takmičarskoj sezoni klub neće moći nastupiti u Prvenstvu BiH u bilo kojoj kategoriji mlađjih selekcija. Istovremeno će se kazniti klub sa 1.000 bodova.

U slučaju da za ekipu nastupi igrač koji nema pravo (suspendovan, kažnjen ili nije uredno registrovan) utakmica se registruje službenim rezultatom 20:0 za protivnički tim, a tim koji je nastupio sa igračem koji nema pravo nastupa ne dobiva 1 (jedan) bod u plasmanu. U ponovljenom slučaju ekipa se isključuje iz takmičenja.

Član 58.

Ukoliko ekipa, trener, pomoćni trener i druge službene osobe naprave prekršaj koji podliježe disciplinskoj kazni, komesar utakmice i sudije moraju predati pismene izvještaje najkasnije 1 sat od završetka utakmice.

ČLAN 59.

O Disciplinskim prekršajima i prekršajima iz člana 56.57. i 58. ovih Propozicija koji se odnose na klubove, igrače, trenere, službene predstavnike ekipe, sudije i komesare na utakmicama Prvenstva BiH sezone 2016/2017 godine odluke u prvom stupnju donosi Komesar takmičenja.

Za odlučivanje po ulozenim žalbama na odluke koje je izrekao Komesar takmičenja u drugom stupnju je nadležna Arbitražna komisija. Na odluku Komesara takmičenja o novčanim ili vremenskim kaznama dozvoljena je žalba u roku od 48 sati od prijema odluke uz plaćeni iznos od 1.500 bodova.

Arbitražna komisija žalbu usvaja ili odbija.

Odluka se donosi u roku 48 sati i konačna je.

X FINANSIJSKE ODREDBE

ČLAN 60.

Ekipe učesnice Prvenstva BiH-sistem mladih kategorija sezone 2016/2017godine, snose troškove :

- Troškove učešća 1.000KM po ekipi
- Troškove dvorane za odigravanje utakmice

ČLAN 61.

*Prevoz ekipa snosi KS BIH .

* Takse službenih lica snosi KS BIH.

ČLAN 62.

Klubovi su obavezni finansijska potraživanja prema odluci Komesara takmičenja o novčanim kaznama uplatiti u roku od 3 dana od dana prijema računa, odnosno od pravosnažnosti odluke.

Ukoliko se finansijska potraživanja ne podmire u utvrđenom roku, klub je automatski suspendovan. Žalba na odluku ne odlaže njeno izvršenje.



Suspendovani klub ne može nastupiti na narednim utakmicama, a utakmice gubi bez borbe prema Pravilima igre, sve dok ne podmiri svoje finansijske obaveze.

Klub koji ne podmiri svoje finansijske obaveze prema Takmičenju, ili prema matičnom košarkaškom savezu, na osnovu odluke Komesara takmičenja, kao i na osnovu ovih Propozicija, ne može igrati utakmice u sljedećoj prvenstvenoj sezoni dok ne podmiri svoje finansijske obaveze.

ČLAN 65.

Svi iznosi izraženi u dijelu Propozicija IX izraženi su u bodovima.

Utvrđena je vrijednost boda u iznosu od KM.

ČLAN 66.

Slučajeve koji nisu predviđeni ovim Propozicijama, rješava Upravni odbor Košarkaškog Saveza BiH.

ČLAN 67.

Ove Propozicije tumači Upravni odbor KS BIH.

Sarajevo,

godine